

叢書集成續編 第二四六冊目錄

史地類



「傳記之部」

氏族

成都氏族譜一卷.....元 費 著撰 適 園 一

秣陵盛氏族譜一卷.....明 不著輯人 百 爵 齋 一七

清 陳厚耀著 鶴 壽 堂 二三

春秋世族譜一卷附補正一卷.....清 王士瀛 補正 考證並 鶴 壽 堂 二三

春秋世族譜拾遺一卷.....清 成蓉鏡撰 南菁書院 七三

西夏姓氏錄一卷.....清 張 澍撰 雪 堂 七七

姓氏解紛十卷.....清 黃本驥撰 三長物齋 九五

金氏世德紀二卷.....清 金應麟輯 武林掌故 一七三

姓

風俗通姓氏篇二卷.....漢 應 劭纂 知服齋 二四五

清 張 澍輯補注

奇姓通十四卷.....明 夏樹芳輯 陶 社 二八五

明 陳繼儒校

百家姓三編一卷.....	清	丁儉卿著	頤志齋	四五九
代北姓譜一卷.....	清	丁壽辰注		
遼金元姓譜一卷.....	清	周春撰	昭代	四八三
邵氏姓解辨誤一卷.....	清	周春撰	昭代	五〇三
元和姓纂校勘記二卷佚文一卷.....	清	段朝端撰	邵武徐氏	五一三
	民	羅振玉撰	雪堂	五三五

名

周秦名字解故補一卷.....	清	王萱齡撰	聚學軒	五七三
曰若編七卷.....	清	呂調陽撰	觀象廬	五七九
文苑異稱一卷.....	清	王暉撰	昭代	七三七

世系

簞溪家譜一卷附錄二卷.....	民	張伯楨撰	滄海	七四五
-----------------	---	------	----	-----

11197/06

成

疾

馨

譜

氏

成都氏族譜

元 費 著撰

前記並載人物不載氏族自今記晉常璩嘗記蜀大姓成都
有柳杜張趙郭楊朱郭有何羅郭繁有張新都有楊董汝鄭
其宅不一著列皆可槩見是數十姓果大曾不記人物豈喬
木之謂乎司馬文園遺稿僅得之妻楊璽池有子曰烏能與
玄文裁九齡天然則人物有其傳尤可重矣記今自人物外
載氏族不徒以補前之缺亦以表宋朝以來世系之盛凡次
第以起家後先而見之今者書其名不書其事皆口也

吳氏

吳氏入蜀以唐左武衛兵曹參軍為始祖四世孫燕偽蜀時

成都氏族譜

一

成都氏族譜

最顯至資六世矣仕宋朝至太子舍人贈都官員外郎七世孫
季良弟端拱二年進士至都官郎中贈中大夫九世諸孫師
孟第進士官至左朝議大夫門望始大王公安石當國謂師
孟同年生也自鳳州別駕擢為梓州路提舉常平倉兼農田
水利差役事師孟疏力言法不便寧罷歸故官後知蜀州又
論茶法害民繼謝事去蘇文忠公軾刺新法書有曰吳某乞
免提舉如逃垢穢至言茶病民以矯矯六君子稱之師孟其
一也子緝以世科官至左朝議大夫知邛蜀洋萬四州子景
知漢州官至朝散大夫景之子璘如遷蜀州今崇慶府惟師
孟從兄弟師益三世猶居成都其嘗應賢良科科廢老死布
衣族最舊子孫亦蕃十世皆葬成都繪於寶歷寺之水陸凡

數十人今錄其槩

范氏

范氏自杜溫叔奔晉四世食采於范遂為氏世遠譜落唐相
履水十有一世曰隆廣明間入蜀家成都孫紹溫處唐季
歷王孟偽蜀雖不仕三世已能自立為著姓子曰昌佑有令
德二子曰瑑曰瑑瑑贈太保公也太保生二子曰度曰祥度
贈太師公也太師生三子長曰鏐以進士甲科終隴城令次
曰鏐終衛尉丞贈太尉季曰鎮是為蜀忠文公子孫曾三世
登科曰百揆曰祖澤曰墳墳官至左中大夫歷使蜀移使荆
湖北路卒太尉有子曰百祿位至中書侍郎贈榮國公榮公
有從子曰祖禹位至翰林學士兼侍講有從孫曰冲位至翰

成都氏族譜

二

成都氏族譜

林學士曰溫位至明堂班朔郎有曾孫曰仲芭故為右諫議
大夫曰仲藝今為中書舍人曰黼前為著作郎兼禮部郎中
皆世其官曰仲較曰仲綸曰仲芸以辭章世其門不克顯元
孫曰子長曰子垓又世其科子長今為飛鳥宰被命召榮公
兄曰百之不但有如祖禹孫如中如溫而諸孫曰洄諸曾孫
曰仲圭仲受仲循仲微仲南各以文學行義政事名四世諸
孫暮故國子監丞孫嘗位於朝今知邛州榮公之仲兄曰百
朋有子曰祖睿諸孫曰游諸曾孫曰仲愷仲侃獨不第三子
後先登科曰子修子奕子庚典州除節矣翁無恙稱人中莫
覺有貴子賢德蓋相襲也蜀父子兄弟登科至聯四世諸子
登科世又掌絲綸人共推范氏論其世德皆有傳太抵其積

也遠其施也博其傳也不已凡范氏父兄子弟名位雖不盡皆通顯而施爲率從厚爲部刺史爲郡守相門第蓋相望三歲一舉中選者多記不勝書至以賞以恩以封以贈又略焉宅族什如其二三號曰盛至范氏則人人以爲當然實自太保以下而太保之弟璨四世孫寥寥徽宗時有功避不以自名官猶至右武大夫寥從孫仲王武舉中第裁八年出知金州今爲利路鈐轄按譜璨尙俠氣鄉里敬服故其後又以武聞云

郭氏

郭氏自及爲廣都令家焉其自敘系出子儀子儀六世孫甫爲御史中丞從僖宗幸蜀及其弟也故中丞死因以葬廣都石子山及三孫曰全介鈐全之孫震以詩名號漁舟先生李旼序其詩澤化四年先生詣闕上書言蜀將有變未幾順賊作亂先生留中原不歸無子皆旼云鈐諸孫早著鈐生貞時孟氏納上朝廷謂四州豪右可任郡檄補貞吏貞稱疾不就子仁渥當順賊亂率鄉黨保別墅獲免均賊繼起道遇害贈職方外郎二子軫輔軫子子定子安皆以賞以恩得官孫衢亨登崇寧上第終宣教郎曾孫南義以詩名死布衣輔起家登天聖乙科范公仲淹龐公籍韓公琦皆表其丰器可任自鳳州擢知興元平均金房叛卒有功璽書褒美繼二持節後以梓州轉運使皇祐二年平清井夷死賞延三子中子子皋最知名子皋知大邑均三邑灌漑人號爲平歷知昌劍利三

州子瑞瑜皆以賞得官瑜獨顯嘗提學京東後知懷州諸子曰眉壽曰賜諸孫曰儼曰偉曰俟曰億曰傑眉壽俟億皆登第餘以世賞或以舉恩惟傑在介諸孫麟輯輕軾麟生由儀登慶歷第終南浦令由儀生忱登元豐第以博學名通判茶州年五十會蔡京用事忽忽不樂丐祠遂老生時敏終通直郎時敏生晞嘗爲大金留豫司幹辦公事受金人所歸疆進二秩佐劉公鈐爲東京留守司幹辦公事順昌之捷不肯上功當時題之從子屋傳皆登第屋終通直郎傳今從事郎子堪均皆世賞堪終通直郎均今從事郎輯曾孫綱輕三世諸孫旼國寶惟肖僅時四世諸孫樽年震相旼國寶震相登第餘以舉恩或以賞銓又有七世孫漸九世孫光選皆登第叔宜今迪功郎光選今丞議郎爰自廣都散居雙流獨成都爲多

李氏

李氏唐胄也太宗四十子少即曹王王五子少即武衛大將軍僖武氏擅政僖入蜀來眉丹稜伏民閒五世孫瑜明皇西幸時抗表言狀得通屬籍尋拜長江令卒官歸葬丹稜瑜四世曰遠遠二世曰同爲始建令葬口縣同生全始居華陽又三世曰惟吉惟吉三子曰莊曰允曰毅莊以學行名毅以科第顯又一世盛矣莊子大厚博學工文辭從兄天章公大臨自謂不如大厚及長子陞同登第後三年子陞亦登第陞五典州號循吏降行義克著范公鎮薦之朝爲金郎郎中宣和閒提

學秦鳳路列郡刺史拜宣撫使童貫降獨長揖曰我師儒官也遂丐祠去力致其仕陪太厚季子也有子時亮伯父陞欲官之辭治命又以遺長官之章已上會陞子從政郎時任卒時亮亟追還以與時任之子識後時亮二子登第三子以恩得官諸孫一以舉恩得官一登第去允子大臨第進士宋朝仕至天章閣待制事在國史知制誥時繳李定辭頭其一也子陶騰陶從司馬公光于洛當時大老皆喜之在錢塘蘇公軾送之詩忠文文正二大老蘇李廣平三舍人喜見通家賢子弟因言得邑少風塵其趣遠矣騰通達明敏吏事有能名尤工於書子時雍時敏皆世其學時雍口廟稱之弟兄多顯者賞延凡二世毅嘉祐二年進士李氏初起家者仕至殿中丞子大昕大昕生公濟公濟生謨謨生崧凡四世登科大昕學行謨能文章謨以下從導江派盛時仕者不能悉書此其槩也曰頃者亦出自遠與同並世孫丞瓌三世孫謹修謨文謹微謹思能登進士第謹修位至郡守三子賞皆傳嚴卿最顯官至朝散大夫鄒又與謹微子椿登第鄒官至朝議大夫丞炳三世孫彤四世孫觀登第丞哲四世諸孫象先厚登第象先應賢良方正科厚位至鴻臚少卿厚五子皆官孫洋亦登進士第族大子孫眾多近世有以世科名聞其世一曰自遠而下郡第進士四子樵孫秧孫材父今興州矣凡散居異邑者多不書

張氏

張氏韶州曲江人至唐相九齡顯九齡弟九皋子抗抗七子仲方仲孚子孫在蜀可譜仲孚孫奉常博士隨僖宗幸蜀傳三世曰載陽貲產鉅萬豪待四方士子維峻待士益厚悉散之或相戒止笑曰吾遺子孫者不在是也以子起贈大理寺丞起寶元中登進士第官至太常博士是故族也起家猶難如此三子太初太寧太和太寧登治平四年第知那漢渭等州四入為尙書部三持使節遷陝西路為都轉運使二子察宇察以大小篆名入為左司郎中出知鼎州字初名犯欽廟諱易名字三丞寺監使淮西東路知濟榮果合四州娶榮國公百祿女故其學得之范氏子晦侍學中原有外家典型筆法尤工歷知雅恭簡三州子仲堅是則家成都者太初家於崇慶之新津太和家於眉州之眉山仲方之後徙漢州之綿竹族尤大

宋氏

宋氏唐季有任崇文館校書郎諱玘者隨僖宗西幸因家成都玘生綿州團練副使可思可思生太子舍人顯顯第進士仕唐顯生武信軍節度推官格格仕宋朝生惟吉惟亮號無為先生生太常博士世修世修生球球與從兄弟璋後悉登第球終職方外郎按譜惟吉惟亮子孫眾多相似也惟吉後為盛璋球諸從兄弟子孫相似也球後為盛按家傳無為先生嘗授經任公玘晚究易球仕至郡守潔身早退子先因世賞至縣令亦中年退休子昌宗典榮資二州將曹東蜀會顯

酒法弊坐籍沒者又所在繫捕充斥獨論列爲不可法爲士改猶申言不已由是罷歸諸子曰訓曰誨諸孫曰邈曰述曰道曰運邈運登進士第邈終宣教郎餘皆至郡守運總領財賦四川及卒蜀士爲當時惜之元豐末昌宗初仕時尚富強名爲宰相執政過用天下告病軍興征取析秋毫病益痼宋氏家法雖尙嚴獨於民寬如爭鹽酒法亦一事也故昌宗至誨皆退居享上壽至曾孫復名以祖爲行亦多在官非徒曰人事其亦天理歟

句氏

句氏隸新繁隸華陽句龍氏隸華陽隸郫隸溫溫皆祖句望孔氏七十子曰并疆三國蜀曰扶其裔也唐末有曰惟立以

唐書

七

通鑑

扈衛僖宗爲將軍二子會王建攻彭州會與勇烈侯楊晟死之會匿新繁民間遂隸新繁四世孫七良登慶歷六年第官至朝請大夫七子以賞以第皆有官第二子宗顏官至朝奉大夫第四子宗召與顏之長子濤迭登進士第濤貴在高廟時宰相趙鼎實薦之鼎言蜀有鴻儒可充載筆之任然姓與御名音同臣未敢薦高宗曰古人有句龍氏遂自涪陵召濤而句氏著矣濤言事稱上意繇郎曹開歲除給事中大抵以薦士爲己任士因濤薦召凡數十人後多爲名臣唐公文若其一也序其外制集云爾以是爲權相忌遂出除潭州力辭乞祠許之乞歸蜀不許寓居秀之華亭卒子躍從子距路蹈躒典三州兩持使節除職帥夔卒餘以賞在官官至縣云曰

詠登宣和第二其子輔登紹興第嘗爲四川類省第一亦族子也隸成都者自居體始著三世以上惟曰出并疆莫可考居體登熙寧第官至朝請大夫王公素使東蜀知其賢延請權領懷安軍事卒懷安居體素號鄉先生著書爲多請生從之廣多知名凡子二以賞得官梧獨久游太學以恩得官二子昌世昌泰皆登第昌世官至朝散大夫位至郡守昌泰爲四川類省第一嘗除太學博士後徙將作丞又丞太府兼戶曹郎出提舉常平浙東移節浙西旋報罷歸起知利州除職帥夔卒從子子皆有官卽成都溫江以句爲氏猶曰句惟立唐末入蜀卽其祖亦曰避高宗諱改爲復姓而世次率不合曰廉登進士官至朝議大夫諸子皆有官從子震雲同登進士卽自郫隸成都者溫江則以中立爲祖曰是在雍熙間以宗學名曰中正之兄也中正生希仲亦世其學以科第位至光祿卿王公安石銘其墓曰句宗華陽世實兆京其爰據云爾而世亦莫可考又如眉之鉤嘉普之句永康榮之句龍其先皆稱同族然永康句龍紹興間爲御史中丞曰如淵其復姓亦有旨至今諸族莫能一大抵氏族學廢今爲廣識之以勸來者

常氏

京兆常氏爲蜀人自宥始衮相唐母兄偕偕三世孫官戶部郎中扈衛僖宗駕入蜀者宥也謫授蜀川戶掾卒塋江原二子包荒包蒙包荒子達選達子延昱貢其才雷公有終來平

蜀寇一見奇之率從之謀有終守蜀數以書招致之延昱始來自邛家成都卒鄉人謚曰廉貞先生子禧禧四子琪瑒琮玘皆登科琪守三州長子景修守彭州景修二子時中執中爲郡守相自景以下名從中從才者爲一世從士者爲一世城垣蓋琪諸曾孫城知均州垣有隱操蚤與薦以親喪不復就類省隱居東山餘四十年蜀人大帥欲識之不可聲聞于今隱然琪弟琮之子縝禧弟利涉之子鎮踵登崇寧二年第初延昱出從雷公選子守元留邛其後多通顯以隸他郡故不書

房氏

房氏以重爲入蜀之祖重丞相元齡八世孫也終新都今子

成都府志

九

卷四

謬爲蜀太常少卿子四人皆以從爲名從之諸子八人皆以知爲名知之諸子亦八人皆以昭爲名曰昭應號虛谷子有傳定文無律名詩皆諸理曰昭庶洞曉樂仁宗朝以大臣爲薦得旨賜對特受祕書郎今樂書行世國史有傳昭之諸子十八人皆以審爲名審能審基皆舉進士審能官至朝請大夫審權著大樂演義卽昭庶子也審之諸子三十八人皆以希爲名希聲甫冠典貢常官太學希參登元豐第官至通議大夫希之諸子六十四人或薦或第或蔭或恩或贈而名率不齊其知名者五人曰淵太學上舍生克太學錄曰偉以恩得官而博學文口知名西州又審權孫也曰璣曰永登政和宣和第曰時中贈官至通議太 入一世諸子踰百人名

尤不齊曰與之曰軟曰子申曰子邵曰震仲曰鉅皆登科與之視諸從弟行獨年高宣和進士官至中奉大夫持節潼州路故諸從弟今多在子邵典州官至朝請郎震仲官朝請郎又一世諸子踰二百人惟大亮以典三州顯咸以世科顯餘子及諸孫以賞得官者五今在官者二曰燾曰壽卿

呂氏

呂氏自眉彭山遷成都三世始著曰懷玉曰公立曰陶世以風節聞陶遂爲元祐名臣三子傳嗣延嗣緣嗣緣嗣坐黨人不達終右通直郎子焯當用給事遭奏補官靖康多難格不行商隱宜之疑之皆登第商隱第雖晚以四川類省第一與素望合胡公元直鎮蜀薦之禮部侍郎李公燾以自代召

成都府志

十

卷四

入除國子博士兼國史院編修官遷宗正丞兼史院如初疑之以才爲茶馬使者陳公彌作宜撫沈公復見知後茂州除聞州入對又以易學受知孝廟留爲大府寺丞與商隱同時會疑之卒商隱亦乞歸除守崇慶卒子盧宜之登第最早所至有治聲而坎壈率多異除通判彭州改辟通判茂州移黎州丁母憂辟通判成州除知簡州擬通判綿州黎州簡州罷非其罪復積二年迭聞兄弟喪卒于綿兄弟皆不得中壽子孫今官學故家聲爲不長

杜氏

杜翊世以死節顯蜀舊守名其居曰忠義坊蓋以勸也事詳見于先賢志矣因其世祖甫來依嚴武武卒甫旅遊衡陽一

子宗文宗武留蜀甫卒葬耒陽後返葬偃師故元微之誌甫墓謂孫嗣業終父志或者其家竟莫能出蜀也家青城實宗文裔十世孫準皇祐五年第進士官至朝散郎宰綿竹以卒妻黎攜諸孤外氏家成都黎教子嚴必使世其家第二子卽翊世紹聖元年第進士官至朝議大夫通判懷德軍靖康元年虜寇作西羌亦張奄至城下凡三旬援兵不至城陷翊世先火其家乃自縊死事聞特贈正議大夫命官其後十人五子慥忱以賞得官孫逸老俊老廷老曾孫光祖大臨以忠義遺澤得官翊世沒時慥棄官走視死所慟幾絕見者皆爲流涕遂以喪招母魂歸葬餘孫自曾及元今爲士人指其門猶曰忠義杜云

宇文氏

宇文氏望河南自得氏以來有譜其以史學傳自唐諫議大夫籍籍子從禮爲渠州司馬因家于蜀後徙成都子孫又分六院曰成都曰雙流曰廣都曰綿竹曰嚴道曰閬中三院隸成都自司馬至院莫知其世世有從仁者後可譜再世後元又一世從廷從卿又一世從崇從緒從惟繼是子孫行率不類按譜始可類耳雙流院自崇而次始登第曰冊冊登嘉祐第仕郡邑閒卒李公大臨爲西州顏子昌齡喬齡昌齡少年登進士甲科神宗朝遷監察御史詔言事如侍御史徽宗初爲刑部侍郎子常千宰諸孫伋儼儼子震與喬齡之孫仁皆顯儼子震任任之子机皆第進士子震典著作兼爲郎出總

賦淮東晚知潼川价位至兵部尙書出以徽猷學士歷典大藩邑人見其家迭盛凡四世幾百年初令中成州其諸從兄弟又浸顯賞傳至孫矣廣都院自緒而下凡三世始登第曰邦彥邦彥初名襄登元豐第仕至郡相卒子闕中粹中虛中迭登第粹中第在第三後爲尙書右丞虛中後爲簽書樞密院事終國信使諡忠愍天下聞其諡哀而敬之時中賜進士第後以直龍圖閣知潼川閬中及其子師尹師皋從子師申師獻孫紹直紹良從孫紹賓紹奕嘗爲吏部郎典三州卒紹節典二州今被命紹直自郡守參議大藩今奉祠紹獻紹彭紹莊今方典州子孫又多傳視雙流亦不勝書也惟成都房自崇至降凡三世始以子樸貴贈官樸登政和第樸族弟谷

從子臨望久望日華孫如石如圭曾孫開仲繼登第開仲今在官積世名位視雙流廣都爲顯而科第不媿族望矣綿竹房亦未爲顯然緒下孫之紹登第仕元豐間年餘四十與時論不合致其仕號止止先生母舅范公鎮也賦詩敬之司馬公光亦敬之程公珣後守漢州其子顥願從之游子輝以明經第一及第仕至郡守邦彥與輝同世次視之猶兄弟然粹中時中亦待輝之子思忠猶同母兄弟粹中任思忠以官時中又任思忠之子師孟輝從弟彬登元豐第仕至郡守復自綿竹遷邠子仔仲仔仕至郡相二子猶世其賞仲亦登第是又隸成都矣綿竹房率聯得書故略

北劉氏

唐劉再思以御史從僖宗自蜀還京師留其子孟溫成都孟溫以儒學傳授成都中三子長璵僞蜀廣政十年補石室教授卒門人共謚爲寶中先生五世孫處厚處厚始登第四子靖璵玆玆璵璵世其科處安四子玆璵璵玆璵璵亦登第劉氏家法方嚴長身偉貌世世稱其家家城北異鄉人入北門問劉氏鄉人至謂之長劉然莅民率從厚至臨難其方嚴始見處厚官至左朝請大夫范公祖禹第元祐循吏居之第三靖璵皆爲張公浚幕客靖璵不合流落州縣璵受浚令往熙河劉惟輔軍時惟輔軍驕宅屬莫往獨靖璵往惟輔戰北璵爲敵所殺後十餘禩河南境後惟輔將屬米知柔等來歸始言狀范公成人榜其所居節義坊爲此玆璵璵皆傳端雖不

北郭氏

北郭氏

第士從之游甚眾自孟溫至是八世今又一傳矣鄉人以其五世不異籍尤義之

南劉氏

劉氏譜載三世名字卒月日耳曰世曰惟正曰惟盛曰惟道始詳惟正之子欽惟盛之子長源後先登進士第欽使湖南官至朝議大夫勳後賜第入館遷戶部郎官官至朝請大夫後長源紹興初爲監察御史典州除節官亦至朝請大夫兩家子弟賞得官勳弟薨知荆門軍卒子述今典州長源子思學賞今亦傳子參惟道三世孫始登第曰晉或贈或賞而不年者不書

北郭氏

蜀郭氏眾多而家於北城者人號北郭矣其自敘亦曰出汾陽王有藏汾陽王丹書鐵券可證也譜失其傳今以稭爲祖稭生承訢承訢生希朴博極羣書晚精於易鄉人號曰有道先生李公畋爲作知命錄希朴前知死知命錄所以作也四子仲曰友直蓄書嘉祐求遺書友直上千餘卷皆祕閣所闕者叔曰友諒季曰友聞友文經學鄉人號曰北郭先生仲叔氏子孫或家廣都或從唐鄧獨北郭子孫不遷四子逢通選迪逢三子行中剛中閔中選行中迭登元豐元祐第通七子倫師中久中大中宜中時中由中倫久中同登崇寧第皆居甲科倫最通顯初仕太子學錄繼遷博士出爲部刺史凡四十任其提舉江南西路忤蔡京罷其帥潼川奏錫虛額與都

北郭氏

北郭氏

轉運使不合遂致其仕蔭補子孫十有三久中大觀二年召入冊定敕令後提舉常平河北東路嘗因星變上封事言新開邊皆不毛地小人邊功肆爲誕謾書首入邪等罷歸吏部後復爲郡守爲刺史年裁六十一竟致其仕大中有聲太學上舍以釋褐後召爲諸王府記室兼講書守兩州三持使節事有異政由中擢上舍異等登宣和後給事中句以薦薦之高廟題其姓名屏閒歷守二州一持使節其學深文亦高政事自儒學出常守簡州人至今思之選五子勉中美中登第迪二子黃中登第三子皆有惠政官皆博士而二子至大夫餘子又多以子貴贈官北郭以中名者凡二十六人大抵多賢也後皆亦復名中之子曰知知之子曰公公之子曰仲

仲之子曰叔叔之子曰孫自中而下取科第延世賞典州郡者不乏至以中爲行者亦多在官曰盛宜矣

楊氏

楊氏自潼川徙郫自郫徙成都諸實祖唐盈川令炯炯謫梓州司法參軍遷盈川既卒官還葬潼因家焉盈川十一世孫元惠始家於郫以儒學稱自號回光居士元符末應詔上書入崇寧黨籍生伯詹伯詹遊太學十年不成受世賞四十二年以迪功郎年勞陞從政郎以卒時又謂不成鄉人以其道不行於時而自樂終其身其以靖安先生易其名其成乃如此子祖識家成都登第後不樂仕棲遲州縣閒沈公价汪公應辰鎮蜀聞其名辟置幕府自是持節典藩視再世爲顯蜀

生書系

主

通鑑

士論世不稱其官稱其德又諡曰樂行先生三子韶甫第進士諸孫叔寅以賞得官餘皆學

城南郭氏

自陳來成都居來寨郭氏從曰一亦祖汾陽曰吾蔡州司徒家以子貴贈朝奉郎子溥登大觀第初名將後更今名進士題名中實二名也嘗爲樞密院編修官遷國子監丞出守劍州積官朝請大夫贈至左金紫光祿大夫四子仲似儀儔仲登宣和第儔登紹興第似儀則賞延者仲官至朝請大夫職直敷文閣鎮興元兼安撫利州似儔早死金紫蓋仲儀累贈云仲及儀賞及世至似儔之子於是三畏三聘三握三接皆傳又傳至諸孫曰可道曰德柄在子孫散居城中城南尤顯

亦成都百年故家

施氏

施氏謂魯施李叔之後唐及諒從僖宗入蜀不歸居岷山下七世孫光作始居成都碧雞坊又三世庭臣德修同登宣和第從兄弟也庭臣高宗朝爲中書舍人晚居潭州卒德修嘗除將作簿兼祕書丞出守洋邛二州除簡州卒子次高次尹皆以賞得官次尹官至朝請大夫今傳其子坤之昔登紹興第曰晉鄉又德修從子也庭臣子淵然仲舒仲舒登紹興第位至司農少卿遷中書門下省檢正諸房文字子秉又世其科淵然雖不顯以文稱子時初庭臣置田二頃贍宗族之貧徽猷閣直學士胡公寅爲之記其族至今賴之家遠矣猶若未出蜀然者此義也

生書系

主

通鑑

楊氏

楊最晚出自簡徙成都祖慶安至孫始有登進士第者四世孫承承子景溫又世科其盛也四世孫至同薦者十有二是舉登進士第者四又同堂兄弟皆復名以望爲行蜀人器四望從望民望最顯從望知蜀州有子曰之言登進士第今知州民望位于朝歷左司郎中移大常少卿出知綿州甫半歲復以太府少卿總蜀賦又移兩節職句直祕閣加直顯謨閣有子曰之復今通判綿州民望有清名又名文章嘗自敘其世自四世慶安已上得三世墳墓七世而上無咨者至謂唐宋氏族之學不明諸牒遂廢特起者恥其初微而不誌昭穆

甚者或求附甲族而過於傳會近世言其先者必自唐扈僊宗西幸或游至蜀居焉何古之蜀獨無人也且以楊氏之言在華在蜀皆承姓於姬而受氏於晉霍楊韓魏皆姬姓也僊於其支別考證未明則不必慕他郡之盛而必求其遷徙之故也其說詳矣近世以族著者因以附見焉

郫縣何氏

漢自何武死後不絕亦幸矣子況載武喪如北邙山瘞焉廬其下公孫述誅蜀平況以喪歸郫葬縣東南按史武兄霸弟顯兄弟五人皆有名按志武後曰隨顯後曰包兄弟五人包子攀又皆有名曰英曰宗曰祗雖見之志第曰郫人爾莫知爲武後否也按譜武二世孫曰英五世曰宗宗子攀然英見

朱書系

十七

海國叢書

之志在武兄弟前攀父曰包又與譜異或者譜爲未詳不然何氏世世有譜當爲蜀氏族第一矣然自漢至晉武弟顯之後猶傳如志云亦盛也譜遠不可盡考或居長安或徙江南唐李有乾符進士待詔翰林知節自謂武裔後僖宗幸蜀加知制誥因歸郫卒葬膏澤鄉孫偉登太平興國進士第嘗記景德寺邑人推爲先生七子子孫散居成都崇慶遂聞彭之崇慶永康之導江而武之族蕃矣偉三世孫邦基登元豐第官至朝議大夫賞及從子孫又三世俊茂登紹興第從崇慶者偉從子繼甫繼甫曾孫援登大觀第元孫碩頤預又世科而家成都者曰騰登紹興第至郡守亦自郫徙云

王氏

王氏曰簡隋唐僖宗入蜀因留蜀四世坦爲郫人贈通奉大夫子冕定國覽定國登治平四年第更名覺政和二年以直龍圖閣知桂州討殺溪洞蠻有功進顯謨待制三年丐祠得提舉成都玉局觀卒累贈特進冕子梅以覺蔭補將仕郎覽補登仕郎覺三子曰穉補登仕郎隨覺宦南方充廣西經略司內機法檄至邕州染瘴卒朝廷以穉死特命長子煥以官煥官至從政郎曰權補將仕郎曰棣補承務郎累官朝奉大夫通判巴州棣子燾將仕郎熹卒于承議郎

邵氏

邵氏以唐郫城令錫爲祖燕其始封也宋初至丹陽聞崑山勝槩來家於岷之陽曰慶餘後三世曰才始登治平第嘗入尚書爲郎贈其父仲良爲太中大夫子孫皆官長子充官至朝請大夫賞又傳三子贈才官至銀青光祿大夫邵公溥撫蜀帥言丹陽邵公必嘗薦洛邵公雍於神廟溥蓋雍之孫故溥講丹陽好待充如兄邵氏在蜀於是爲故家矣

申氏

申氏貫北京蜀廣政中曰幹臣始來青城子孫居郫幹臣四世孫曰起曰宗起累贈朝請大夫有子曰祖錫曰積中同登元豐五年第祖錫終朝奉大夫積中終奉議郎永興軍路提舉學事祖錫子說終宣教郎說迪功郎積中子詮以臣僚列奏積中孝行特受將仕郎終於雒縣丞孫伯時登淳熙四年進士第終晉原主簿宗始從溫江四世孫曰叔度五世曰叔

儉叔懷皆登進士第

詹氏

詹氏貫邛州安仁曰文舉以子貴累贈正議大夫子曰權登元豐進士第終於巴州權子廷哲廷碩廷彥自邛始遷居郫廷哲終通直郎廷碩終朝請郎廷彥終從政郎廷哲之子隸彥之子籲皆登進士第

張氏

張氏俞隱居岷山七被詔命不赴賜以官又乞回授其父號曰白雲先生大節見國史事見先賢篇俞二子石民楚民登元豐八年進士第官至正奉大夫子曰吉甫以賞終朝奉大夫子伯振又以賞為青城令卒官石民死子雲從孫文叔夏

第宅族譜

九

通國叢書

曾孫山父

王氏

王氏望太原唐末避亂入蜀居郫曰彥生四子次子曰延壽生四子次子曰景又生四子以孝名邑人號王孝子上兩世皆絕而景諸子曰慶祖慶柔慶餘慶宗傳世特盛遂散居成都永康資中富順惟慶宗之後不遷至曾孫騰登大觀第位至郡守元孫曰樸為朝議大夫賞傳至孫宅院子孫或賞或第大抵相似也每歲上巳闔族無遠近其修祀事於縣東之塋人猶指為孝子家

楊氏

楊氏居郫縣凡四世至邁始第進士官至左朝議大夫直祕

閣主管環慶路經略安撫司公事累贈父叔淵光祿大夫邁卒累贈宣奉大夫邁子衍朝請大夫邛州曰思成儒林郎久成二子蕃卿從政郎萃卿修職郎思成一子漢卿將仕郎

張氏

張氏昔望崇慶之永康門望如初有遷於郫之犀浦鎮其為族望亦稱克尙五子第三子曰礪即遷犀者礪之孫曰天迪曰煥曾孫曰汾曰洙曰漢元孫曰峰曰岐皆擢進士第又有遷於彭之崇寧者其後視犀浦尤顯而犀浦院以山為行者今傳之曾元矣諸孫尙力學曰吾家三世登科云

文氏

文氏以丹淵先生同為望同貫潼川之安泰位雖未高以蘇先生軾為友名重當時其文號丹淵集同官西川樂崑山勝槩欲家焉不果子孫始來居郫有丹淵集曾孫仔紹興丙子進士青城尉卒四世故尙書無恙

新繁彭氏

彭氏曰景直唐中宗時為太常六世孫敬先常以左拾遺隨僖宗入蜀家於普州敬先孫濟民攜二子由普徙益長子生福次子生乘乘於宋仁宗朝翰林學士國史有傳乘卒三子不克歸國史載乘為萊陽人繁華陽皆隸成都而乘實以太平興國八年生于繁見於故待制韓公駒所為跨龍先生李公新集序曰繁上則彭乘之文辭云福生顯行顯行曾孫登政和二年進士第官至左朝散大夫知彭州贈其父望官至

朝議大夫二子極林以廕補官卒季子傑從子仁徽同年貢于鄉仁徽登第官至文林郎極子亦第進士不待年致仕

周氏

周氏望汝南入蜀家于繁曰贊之孫項有隱德號正晦先生一子曰洙曰潭洙生表權潭生庚庚生尹及申表權尹同登慶歷六年進士第表權後知漢州尹知梓州蘇文忠公軾文定公轍時皆在朝各賦詩送之初李稷使蜀推茶爲蜀病表權與尹論合興稷異爲稷誣奏罷去尹嘗知利州後爲侍御史奉使入蜀迎母面賜五品服還至陝除節荆湖北路後知眉州丁母喪喪除入爲主客郎中遷考功兼權吏部元祐四年表權再知漢州表權奏改名表臣尹自是出守梓梓漢相

成都府志

志

通鑑

望卽此時也兩家二大人年又高表臣初知漢州尹知利州交皆及見之朱衣銀章子所遜也表臣三子克冕元尹四子禔禔祔祠元及祠後先登第餘子以賞得官庚弟庚表臣弟表民尹弟申庚之子丙吉平申之子禴祔禔丙之子壽松而表民之孫夏卿或以賞或以恩皆在官社典二大州曰劍曰漢仕爲顯

雙流宋氏

宋氏望京兆隨諫官遂以直言得罪流蜀隆山卒葬隆山隆山後以元宗諱改彭山比及四世少長踰二百人及珽一作珽入中朝爲正議大夫扈僖宗狩復還歷眉彭二州刺史歸瘞彭子五人號五房宋長子渝生覽一作覽覽生祚始居成都之

雙流祚二子承榮承慶承榮生堂舉賢良方正成都府府學說書名載國史承慶生文禮以子右賢右仁同登慶歷第後贈朝散大夫右仁生桓桓生京京生衍登科聯四世右賢孫良儒曾孫德之祖孫又相繼登科德之嘗爲四川類省第一皆文禮之後也熙寧中邑令徐九思表其坊曰叢桂作堂於邑東延壽院繪五世像號叢桂堂邑人榮之有散而居汴居大安客歷陽徙依政者皆祖諫官今居崇慶者又自雙流徙其居汴者卽莊惠公延渥之後譜稱延渥後更名渥有女孝章皇后其後譜聞惟彭山雙流依政譜可考子孫文行聞于時者眾獨雙流以隸成都故詳

鄧氏

成都府志

三

通鑑

鄧氏曰元明居梓中江以富名王建繇聞來圍成都元明開帑廩惟建取前後數百萬計建欲官之元明曰不願也願公安輯一方不然兩川皆魚肉矣建欣納官其子宏忠州刺史宏生隆孟蜀時爲資州刺史二子曰鎔曰釗釗生文溥文溥生琛均順荐亂琛又謁琛貴且諭諸富人無斬高邑人以故保全家頓貧徙雙流以經學誘進後生羣聚至數百人翕然知學有子曰至學益大號二江先生范公鎮爲之友榮公百祿從之游以子貴至贈太師琛亦贈太保琛生六子至其一也至四子綰續縝先後登科綰試禮部爲第一季登第時神宗臨軒綰爲翰林學士侍唱名至縝綰下殿謝子洵仁洵武從子邵聯唱名於是綰聯謝執政因奏鄧至善教上曰知之於

是時鄧氏以爲寵綰後除龍圖閣直學士知鄧州改知滁州
洵仁尙書右丞洵武知樞密院洵武子雍亦以侍從終以故
賞延子孫爲多凡子孫之散居者曰成都曰瀘曰嘉曰廣安
曰懷安之古城鎮曰普曰夔而雙流族所未顯者惟二江先
生至之兄弟之後亦異矣雍子椿機位至郡守椿念再世名
位在宣政童蔡問率太息一日得洵武諫伐燕疏亟乞蜀守
汪公應辰識之應辰曰事具國史矣亦爲之跋椿哭先墓下
以告蜀士謂爲人孫如此皆賢之

張氏

張氏漢名綱之後綱卒瘞犍爲武陽唐大中時有天祺者自
武陽徙江源卒瘞後有白檀生墓閒號白檀張氏五世至中
理舉逸民不就卽拜將作監主簿子曰公謹元祐五年五經
出身累贈少師公謹之子深徙雙流登崇寧第累遷夔州路
轉運判官張丞相浚宣撫川陝承制出陟除潼川路提點刑
獄改轉運副使遷知夔州中書舍人句濤論馬政力薦深除
管川陝茶馬繼除都轉運使以制置使胡公世將議酒法不
合改除瀘州因丐祠請老子孫多以賞得官子珏慎孫徽之
安之皆郡守

張氏

張氏先世曰守珪朝奉大夫若訥若愚孫協口再世弟兄登
科協口爲詩有唐人風協口終於宣議郎其弟終茂州別駕

郭氏

郭氏先世曰絳以至孝有聲州里子卯貢上庠中第官終于
部刺史秦丞相檣與卯有庠序之舊及當國卯絕弗與通歷
相三郡家食凡一十八年晚年號亦樂居士子皆以賞惟明
復世其科嘗入爲宗正丞知崇慶府除夔州路轉運判官未
赴卒孫以祖賞得官曰道子

梁氏

梁氏七世曰介紹興丁丑進士第三人爲校書郎乞彭州歸
遷利州路轉運判官兼四川宣撫司參議官改知瀘州居歲
餘民夷便安之詔改瀘南兼安撫一路以旌其能瀘州爲一
路安撫自介始梁丞相克家薦之有旨詔赴行在道遇病辭
得主管冲佑觀再召又辭除知遂寧府未赴卒二子皆得官
曰种曰穆從子自類省奏名曰梓

李氏

李氏系出隴西自敘云七世祖騏隱五季閒聞蜀多名山遂
挈二子及宗屬自鼎澧入蜀遊岷峩棲於雅州之瓦屋世祖
迪爲儒生其家雙流自曾祖元義元義生文顯文顯生元義
亦學道因出遊學放浪山水閒不歸其葬也以衣冠三子師
尹庾崧鄉庾入太學與四方賢士交獨於李光泰發最厚晚
樂善好施子大年甚似之二子嘉謀嘉獻同登第嘉獻好學
工詩文官至宣教郎嘉謀嘗入爲宗政丞出守二州繼持節
作牧又典州云

廣都費氏